

Τίτελέ κε Ρῶλι uu Κολῶσι πικό n wói

Lελεε ρίτελέ ntí kέμεε ní we

Πεε μεκεε Asii ketē kuwélé kunyine kέμεε κε Κολῶσι kuyu akú we. Ai Ρῶλι ricuruu γεε Kirisi icápine γεε Κολῶσι-i ní we karii, amá uukεicɔ unyine kapi ye n sée re Epafiraasi γεε kei Nsímé Kεcire riyóó (1:7, 4:12). Kukpaniilee-i κε Ρῶλι uú πεε Rəm kuyu-i we Epafiraasi uú ne weri uu ncónη μεε ní we u κεεnκεε. In n la, Epafiraasi γεε yé Ρῶλι n símisi re pisoi féé ye icélaa kópe kei célaankeε. Lē nnya kuu rítelē ntí pi wói uké nfatene rikui kεcire pi léise. Pikireki ifasimé ne Pisuifi inyekii kapí πεε Κολῶσι-i pi céesi. Amá icélaa iyē ye péé ne Yeesu ikó memii wele. Amá Ρῶλι uu nyíse re Yeesu γεε ní pá yo kέμεε Upíima.

Ifaaci iyē mekériine ye mmé:

1. Τίτελé tē kekoraane κε keyóme kenyine ake Kirisi ríyu waise re ketē nnéi ne Uléecaa icápine upíima (1:1-2:5), (1:15-20). Κολῶσι πικό κεcáá iwelε ye wele keyóme kē ake kelene tiki (1:3-14). Keyóme kē kepire κε Ρῶλι uu πεε lē kuu Uléecaa icápine κεcáá n náasi nkó wa (1:24-2:5).
2. Uu πεε limemáá Kirisi πικό πεε Κολῶσι-i ní we maa re piké pimεcire tí (2:6-23). Api kape πεπεε inóomesimé n célaankeε ne kutu n cɔlē. Amá piké nfatene kapi ní yósi kέμεε n we.

3. Títelɛ ntí ye kɔ icélaa kapi ye ne Uléécɔa icápine kémee ne pimárecɔ kecɔpe ne pisoɔ kecɔpe isoɔ fale n li palenle. (3:1-4:6).
4. Pɔɔli ye uiyáhaa papɔlɛ̃ (4:7-18).

Iyáhaa

¹ Née Pɔɔli yee Uléécɔa mela kémee Kirisi Yeesu utume m pansɛ, ne urómárecɔ Timotee. ² Nɔ́ ke Uléécɔa uu n wée non Kolɔasi-pɔ we, non Kirisi ne kefa kesɛ tikilɛ kari rítelɛ ntí wólɔ. Nɔ Kirisi kémee pirómárecɔ kecire le. Urósáa Uléécɔa uké ípɛelée nó nyíse uu kɔ nkínɔne nó he.

Pɔɔli ye Uléécɔa pɔɔnesɛ

³ Tɔ ye tɔn Urópiima Yeesu Kirisi usaa Uléécɔa n yáásine, tɔ ye nɔ́pá píyei nókenécáá u pɔɔnesɛle. ⁴ Mesei kari nónnésímé kɔ́ te nɔ ne Yeesu Kirisi kefa tenelenle, non pɛ ke Uléécɔa uu n wée la ⁵ re nɔ mé te nó lɛ ke Uléécɔa uu keyómecaa-pɔ nó n yekeilɛ yásí nnya. Nsímé Kecire mee aseɔ m má mee pitá pɛ nó símisi. ⁶ Ai nókenémee nmanɛ ke Nsímé Kecire mmú nn tuiɔ. Ketɛ nké nnéi kecáá kapi n kɔ́. Mpá yei knn tikóónú nn kɔ pisoɔ isoɔ conse. Lɛ knn kɔ nní nókenémee wai hái keyáa kɛ-me kani Uléécɔa ipɛelée n kɔ́ ani céru re aseɔ ye nyɛ. ⁷ Urósáne ne urókeicɔ Epafiraasi yee nsímé mmɛ nó céesi. Asei kuú ne Kirisi pikɛi nókenémee wai. ⁸ Uricuruu yee ró símisi re Nfáasɔne rín kusa ríla nó he.

⁹ Lɛ nnya kari nókenécáá nɔ́pá píyei keyóme yáási hái karí ne nónnésímé n kɔ́. Tɔ Uléécɔa wɛlu re uké tíyɛse unfaasɔne nké mɛwéesɛsɔhɔ meyá nó he nn kɔ umela ríɔne nó céreise. ¹⁰ Kei ke nóínɛsoi kani n le ii yé pɛe Upíima ríyu waise re nɔ lɛlɛ ne

u n sá wai nnya. Lē kēmēé kani yé pēe mewai sōne mmé ncōpuri n wapisi ani kō Uléécāa n ceru nōn ne kēyu sí. ¹¹ Unnāne mee rīn ncō m má nké nō papukuse ani mǎpá yo kēmēe m purú nōn kahari. ¹² Ani mpōōnare ne Sāa Uléécāa pōōnese. Uyēe tíyese kani yé fe ani lisōne kuu uiyōōpi metéi kēmēe pē kuu n wēe n yekeilē yenu. ¹³ Uyēe kuḡmaha ute anipe-i ró lése uu ukepipi lala iyōōpi kēmēe ró tónse. ¹⁴ Ukepipi kē kuú ne ritiki uú ne ilási kēmēe ró lese uu kō kē nnya arókōpe ró sárei.

Kirisi isoi ne upikēi nsímé

¹⁵ Uléécāa úu kúyene we. Ukepipi kee umewee kapi ye n yé. Lē nnéi ke Uléécāa uu n wa kecōpe uyēe lifoi un kō mǎpá yo fe. ¹⁶ Uyē kuú ne ritiki uú ne keyómēcāa-pō ne ketē kecāá mǎpá yo wai. Lēlēe kúyene ní we ne lēlēe ái kúyene ní we kuu wa. Uyēe piyōōpi wēése ne pipíima ne pisínásá ne mǎpá yo yēe rīnāne m má wa uu kō linnéi uanipe-i wai. ¹⁷ Uyēe ufoi we mǎpá yo ai kelenē n we. Uyē nnya ke mǎpá yo ai kō we lin nyamí. ¹⁸ Lē nnya uyēe ipiḡe riyu, ipiḡe iyēe Uléécāa pikó icápine. Uyēe isoi fale kekoraane. Uyēe mefoi nkpō kēmēe yisi uu nfāa teneciré yenu. Uyēe mǎpá yo kēmēe ufoi uu pēé ne mǎpá yei ufoi. ¹⁹ Li Uléécāa ripōō wale re uké uisoi nnéi ne ukepipi kēmēe n we, ²⁰ uké kō ne ke ritiki uké u ne ketē nké ne keyómēcāa likó nnéi kecōpe nsímé nyōōnse liké pēe kemekó-i n we. Ménye mē ke ukepipi ake kunapēékōō kecāá n kōōnu kuú ne ritiki uú ne nkīḡniḡe weri.

²¹ Nō pēe mekeē-me nōsinémúnḡ kōpe ne nōmenéwai kōpe nnya ne u tōlaalenle nōn kō upilaaro. ²² Amá Uléécāa ye ukepipi nkpō ne ritikile

uú ne nó ne uyẽ keɔpe nsímé nyóɔnse. Ke pansеле kesoipipi ake kpi. Lẽ nnya, nɔ nkpéni ukeyu-i upisoí le pee n kpáiiĩ ápi ncaai ríka má, ápi kɔ ríka ne pi cési. ²³ Lẽ nnya aní nkpéni nfatene kémee iníjĩ karií aní n taalẽ. Aní kape Nsímé Kεcire ne ketaa wa. Mmẽ karí ne tálẽ tɔn ne mǝ. Ketẽ nké nnéi ke nsímé mmẽ nn tikóónú. Lipikei ke nǝ Pɔoli am wai.

Pɔoli pikei ne uináá nstmé

²⁴ Li nkpéni né láárúle re ne nókenécáá íwe le. Nǝ ne kɔ lǝ lénile re íwe mesá mǝ kari yé n fe ari Kirisi kémee le áme kape ripári. Kirisi ipiɛe yee nní pǝ ke Uléécaá uu n wée ícápine. Pǝ nnya kam íwe le. ²⁵ Uléécaá ye upikei kémee né kpísile uu né forii re ké ne unsímé nnéi nó kam. ²⁶ U pee mekee icɔpuri nnéi kémee nsímé mmẽ pesile. Amá u nkpéni pǝ kuu n te n cereisele. ²⁷ Uléécaá ye lalé piké nsímé mee m pékaalẽ mpiye ne nkulaa ceri piké pi símisi. Lipéké-peké lee nní re Kirisi ye nókenéméé wele. Uyẽ nnya kani tálẽ te nó kam aní Uléécaá meyoopi kémee loni. ²⁸ Kirisi rinyiri kari yóólẽ. Mpá úye kari mesɔhɔ kpálẽ tɔn kɔ cési ne mewéesesɔhɔ kari m má nnéi. Tɔ lǝ wai re mpá úye uké Kirisi kupéneɔ kémee papisí nnya. ²⁹ Lẽ nnya kamí ne pikei ñmóópúlẽ, nen náási ne Kirisi nnaɛe kuu né n he nn né síkai ne rikɔhɔ.

2

¹ Ne la re aní kɔ te atɔpi kam nó ne Lawutisee pikó kecáá n wai ne mpí nnéi pee ápi kenéyu n yénaalẽ kecáá ye apíima le. ² Ne la re piké ikari meyá wa, piké rinóɔ rise m má pin lakaane, mesɔhɔ meké meyíkíyiki meyá pi n tulaalẽ apí ne lǝ ke Uléécaá

uú pɛɛ m pékaalẽ ceru. Lipéké-peké lɛɛɛ Kirisi. ³ Ukeméé kɛ mɛwéesesəhə nɛ Ulééca picere lisəne nnéi ai pékaalẽ. ⁴ Uka úu kapɛ nɛ n fe uké nnóɔlari nɛ nó n kírɔase nnya kam lɛ nó símisi. ⁵ Mπά kám nní nókenékúrí ní we, nɛ nókenécáá músulɛ lin né láárú rɛ nɔ ηmóópúlenlɛ nən Kirisi nfatɛnɛ kémɛɛ iníní kariilẽ.

Kirisi ηmanɛ yɛɛ yɛ nfáa hɛ

⁶ Lɛ nnya kani nní n ηmurei rɛ Kirisi Yeesu yɛɛ Nóunépiima, ani ukupénɛcɔ kémɛɛ nóinésɔi n le. ⁷ Ani ukusencɔ kémɛɛ iníní karií ani nóinésɔi nnéi kéméé nɛ u n tálẽ. Ani lɛ kapi nó n céési m múílẽ, nóinépiɛ ní kapɛ píkaí nfatɛnɛ kémɛɛ riyɔɔ. Ani yɛ kɔ u pɔənesɛ meýá.

⁸ Ani nómenécíre tí úka úu kapɛ kesoimunjé nɛ nó kírɔase uké kuyúí nó tã méwoo. Ketẽ nké kecáá likó nɛ písoi inyekií kɛ kesoimunjé kɛ akɛ tíkilẽ, ái nkɔáni Kirisi. ⁹ Mɛsei sei kɛ Ulééca u Kirisi ipiɛ kémɛɛ we nɛ umɛsá nnéi. ¹⁰ Mπά yo mpuri kani ukupénɛcɔ kémɛɛ yé nɛ limɛsá nnéi. Uyɛɛ iyóopi nɛ rínɔɛ nnéi fe.

¹¹ Nó nɛ uyɛ kupénɛcɔ kémɛɛ kani riké. Ai usoi kunipɛ kpɛɛ nó riké aku isarɛ nókenécáá tólu, amá Kirisi mɛké kani kélẽ. Lɛɛɛ rɛ u akóɛ nnaɛ kémɛɛ nó lésele. ¹² Kapi míni nó n wóle, li wa yarɛ nɔ kpule api nó nɛ Kirisi kulesi. Nó nɛ uyɛ nóɔ kɔ nkɔ kémɛɛ yisi. Kaní nɛ kɛfa n tenelẽ tɛ Ulééca yɛ rínɔɛ mále nnya kuu nkɔ kémɛɛ u yukuse. ¹³ Nóanékóɛ nɛ nókunékéciré nnya kaní pɛɛ mɛkɛ Ulééca inípɛɛ-i we yarɛ pikɔkpɔ. Amá Ulééca yɛ nkɔpéni nɛ Kirisi ritikile uú nɛ nfáa nó hɛ u arókoɛ nnéi ró sárei. ¹⁴ Títelé tɛɛ pɛɛ isé kémɛɛ n wólaalẽ tin akóɛ kari

n wa nyíselẽ kuu kpísi uu kunapéékó kɛcáá karii tinkó nn tɛnɛ. ¹⁵ Uléécaá yɛ keléécaá-pɔ nɛ ketẽ nté kɛcáá iyɔɔpi nnéi nnaɲɛ yɔsile uu kunapéékó kɛcáá i feriyɛ uú nɛ riwúí kɛmɛɛ isei i waise, uu i pulu yare pikpaniikó pin nɛ Ukepipi kɛɛ n feriyɛ nnɔɲ kɛmɛɛ sónɛ.

¹⁶ Lẽ nnya, úka úu ncée má uké nólinélukeluke nées nólinénírɛ-niré nées nóanényá meluke nées lẽ kani yɛ iwáɛɛ fale meleemɛ-i n wa nées kɛwénteyaa kɛcáá nsímé nnyinɛ nɛ nó cési. ¹⁷ Lẽ nnéi yɛ lelɛɛ kepire n wemɛ kumírɛ lɛ. Liyíkíyiki ŋmaa tɛɛ Kirisi. ¹⁸ Pinyinɛ yɛ kpárálẽ pin pisimúnjé cire me rikókɔri wai rɛ pi pimɛcire ricepisele, amá pin pɛɛ piléecaatumɛ yáási pin kɔ pisilárɛ nɛ kutu cɔlẽ. Áni kapɛ tíyɛ lipite pẽ piké akóɛɛ nó pa. Li we rɛ pisimúnjé cire kapí nɛ pikei wai. ¹⁹ Api nɛ Kirisi tálẽ, in kɔ nɛ uyɛɛ ríyú. Uyɛɛ ipiɲɛ kpínii. Uyɛɛ tíyɛselẽ kɛ akɔhɔ nɛ itá ii cɔpiinelẽ, Uléécaá un pɛé nɛ ipiɲɛ iyẽ pelusɛ.

Usoi nkɔ nɛ umeyisɛ u nɛ Kirisi kupéncɔ kɛmɛɛ

²⁰ Nó nɛ Kirisi yɛ kpulɛ, áni kɔ nkɔpɛni nɛ ketẽ nté likó kutu cɔlẽ. Yo nnya kapi yé kɔ nɛ nó m písei rɛ ani ketẽ isé ritiki yare insá n we, áni yé nfáa wa? ²¹ Pi yɛ nó maa rɛ: “Kapɛ nní kpísi”, “kapɛ nní rilélé” nées “kapɛ nní rica”. ²² Pi yɛ lẽ nnéi nɛ keisile ai weri ai liketɔ tulu ai caai. Sisoipipi sɛɛ liisé nɛ liicélaa iyẽ lesɛmɛ. ²³ Isé nɛ icélaa iyẽ nɛ pise rɛ usoi uké umɛla kɛmɛɛ Uléécaá yáási uu ikóhɔ meyá m má, úu kapɛ uipiɲɛ n naresi. Li usoi meyenɛ-i nkɔpáni yare mɛwéesesɔhɔ likó linyinɛ yɛ ni. Amá kuláa kúka áku kɛmɛɛ we. Usoi lilala yɛ ni.

3

¹ Nó ne Kirisi kupéneɔ nnya, li wa yare nó ne uyē nóo nkɔ kɛmɛɛ yisi. Lɛ nnya, keyómɛɔaa-pɔ likó kani yé wéési, kei ke Kirisi uu Uléɛɔaa kuluke-luke-mɛ kényukáɔtonɛ-i n tú. ² Keyómɛɔaa-pɔ likó nkó nké nó n we, ái ketē nté likó nkó. ³ Nɔ pikɔ masile, nónnéfáa nn Kirisi kɛmɛé we nn ne Uléɛɔaa-i pékaalɛ. ⁴ Uyɛɛ nónnéfáa. Keyáa nké kuu n sónti, nó ne uyē nóo kɔ umeyɔɔpi kɛmɛɛ wɛnɛ.

Isoi fale ne ikpure keɔáá nsimé

⁵ Lɛ nnya, ani ketē nté likó lɛɛ nóinépinɛ-i ní we kpu. Lɛlɛɛ nní: Mémare kpááree ne mékperinkpɛwai ne méla tɔ̀ɛ-tɔ̀ɛ ne mɛwai kópe ripɔɔ ne memá nnáápi. Memá nnáápi pɔ́ ne piléenyáɔnɛɛ picɔ le. ⁶ Mɛwai mɛ mpuri nnya ke Uléɛɔaa kuwɔi aku pɛpɛ pipakare u n yúlu keɔáá wémɛ. ⁷ Limɛɔ kaní pɛɛ wai, pɛé uyɛ-i kaní pɛɛ akópe nyɛ kɛmɛɛ ní we.

⁸ Lɛ nnya nóóké kɔ nkɔpɛni lɛ nnéi fóm: Kuwɔi ne mɛsɛɛwai ne rikpákára ne picɔ alɛ ne isɛicirésimé yɛɛ nóinénoo-i n léenti. ⁹ Nó mpí nóo nní nóinésoi kpure ne imɛwai kópe n lése ani fómni, ¹⁰ ani isoi fale kpísi ani tani yare ketúkanka, áni kape nkɔpɛni nómenéɔpɛcire nnóɔmɛ n wapaanɛ. Nɔ nkɔpɛni písoi fale lɛ ke urɔ́wai Uléɛɔaa uu mɛsɛɛɛ n nyáɔnɛ nɔké ne menyíne u n wa nnya. U la re nɔké kɔ meýikíyiki u ceri. ¹¹ Ai nkɔpɛni we re nkó úu Usuifi, nkó yɛɛ Usuifi, née nkó ye kélɛ née nkó úu kélɛ née nkó ye usɔ́hɔ́o née nkó ye úyuyɛmɔ́hɔ́kɔ́o née nkó ye ulási née nkó ye ne uripɔɔ wɛlɛ. Kirisi yɛɛ pinnéi kɛmɛɛ mɔ́pá yo.

12 Nō Uléecaa sipipi lē. U nō wéele un nō la. Lē nnya, ani íwe n ténaane nōn kusoi wapaane, ani ye nómenécíre cepise aní m purú nōn kō niñú. 13 Ani m múinelē rísone, mpa úye uké ye ucō sárei. Úye un ucō ne nsímé m púnne, ani ye sárikeene yare ke Upiima uu nō n sárei mecō. 14 Ani likecáa ríla rikpápo. Nla mee yé tíyese ani rísone m pénelē, ani rinōo rise wai. 15 Kirisi uké nkínñine nōanékín kémee wa. Nkínñine mmē kuú ne nō sée re ani ripéne ani wai usoi use. Ani ye mesére u pōneese. 16 Kirisi nsímé nké ne nlisone nnéi nōkenémee n we. Ani n lénaane nōn kō célaane ne mewéesesōhō kani m má. Ani kefa kese ne ipakare siyome ne akéhe ne siyóme ncōpuri ke Nfáasone nn nō n he ne ríyu u waise. 17 Nōn ye n símisi née nōn n keisi, ani ye Upiima Yeesu rinyiri ne mpa yo n wai, ani ye ne u tiki aní ne Saa Uléecaa pōneese.

Usoi ne ucō kusencō nstímé isoí fale kémee

18 Nō pinósi, mpa úye uké uula n waiselē yare kai Upiima kémee m pise.

19 Nō pitisi, mpa úye uké uunōsi n la. Ani kape ne kényu pi m páapú.

20 Nō siwá, ani ye mpa yo kémee nōpinéte m pakarelē. Lēlee ne Upiima sá.

21 Nō siwá pisaa, áni kape siwá kuwói n waise. Insá lē, siapōo yé caai.

22 Nō pikeikó, ani ye mpa yo kémee nōpinékeisaa ketē nké kecáa m pakarelē. Ai pin nōkenékúrí n we pin nō nyáni ηmane kani yé pi m pakarelē. Amá ani ne kefa kese pi n keisi Upiima kani m pakarelē nnya. 23 Mpa yo kani wai, ani ye li n wai ne kefa kese. Upiima kani li wai, ái sisoipipi. 24 Ani n nyu re liihéé

ke Upiima uu nó m pane yeɛ lisɔne lɛ kuu n yekeilɛ un ne upikó m̄. Kirisi yeɛ Upiima. Uyɛ kani pikei pɛ wai. ²⁵ Lɛ nnya, úye un mewai kópe n wai, meihéé kuu yénune. Uléécaá úu ye usoi keyu-i ripaí, amá asei kuu tikiilɛ un ne túhaane.

4

¹ Nɔ́ piyɔsaa, ani n nyu re nɔ́ ne kɔ keyómecaa-pɔ ute mále. Lɛ nnya, ani ye nópinélasi nsɔne m múlɛ nɔn lelee ne n sá pi wai.

Pɔɔli ye Kolɔasi pikó mesɔho kpálɛ

² Ani ne piyómeyáhaa n ηmóópúlɛ, áni kape lɔpile, ani ye kɔ Uléécaá pɔɔnese. ³ Ani ye kɔ kerócaá keyóme yáasi re uké ntósímé ncée tápile tóké Kirisi nsímé mee pee m pékaalɛ picɔ riyóó. Mmɛ nnya kam nní akpanii kémeé we. ⁴ Ani u pise re uké tíyese ké ye unsímé mmɛ tiyóó yare kai m pise.

⁵ Ani mewéesesɔho m má nɔn ne mpí pee ápi Kirisi pikó ne sɔne. Ani kape tíye ituje iké méwoo tene. ⁶ Nónnénósimé nké mesére n láarú nn kɔ riyoriye má, nn kɔ kutu kúco we. Ani ye ceri lɛ kani yé mpa úye rinó n yɔsí.

Iyáhaa tɔrɔ

⁷ Tisiiki ye unémárecɔ lala kecire le un kɔ asei ne Upiima pikei wai. U kɔ Upiima pikei kémeɛ unésencɔ le. U yé lelee né n wai nnéi nó kéenkee. ⁸ Né nókenémee u tumpɔ uké nó símisi mmɛ-i kari ní we, uké kɔ nóanékinj niɲukuse. ⁹ U ne nókunéyu ukó use, urólala kecire Onesim kam tumpɔne piké lɛ nnéi lee nté n wai nó kéenkee.

¹⁰ Tó ne Arisitariki tóo akpanii kémeɛ ní we ye nó yáasi. Parinapasi umarecɔ kepipi Mariki pó

νε κω νό γάσι. Uyẽ nsímé kapí πεε νό tee ρε un νόκενέμεε n tuipɔ, ani u γασί ρσone. ¹¹ Yeesu kapi ye κω n sée ρε Yusituusi p̄s ne κω νό γάσι. Pisui fi p̄ẽ ηmanε πεε Uléécαα iyɔɔpi pikei kέμεε né léni. Pi ikari né waisele ρsone. ¹² Nókunéyu ukó Epafiraasi ye νό γάσι. U Kirisi Yeesu ukεikó le yeε meséρε upiyomεyáhaα kέμεε νόκενέcáá n náási ρε ái kapε νό ne Kirisi kupένεcɔ kέμεε νό riyɔɔ, ani κω m̄pá yo Uléécαα mela kέμεε n wai. ¹³ Ne ne inénίπεε yenle ρε u νό ne Lawutisee ne Iyerapolisi pikó kecáá náásile hái. ¹⁴ Urólala kecire, upɔise Luki ne Temaasi ye νό γάσι.

¹⁵ Ani pirómáρεcɔ Yeesu pikó πεε Lawutisee-pɔ ní we γάσι. Ani κω Nimfa ne Uléécαα icápine pikó πεε ye ukεyɔ-i n cápine γάσι. ¹⁶ Nɔn títelé ntí nóinécápine pikó inίπεε-i pikéẽ m masí, ani tíyeεε Lawutisee pikó p̄ɔké κω ri keẽ. Nóké κω t̄ẽ ke p̄ẽ api νό m pááipɔne keẽ. ¹⁷ Ani Arikipu maα ρε uké pikei ke Upíima uu uanipe-i n wa kecáá musí uu ρsone pi wai. ¹⁸ N̄ẽ Pɔoli, née kunénίπε ne anóɔ nnyé wói ρε: Ne νό γάσι. Ani n léisel̄ε te akpanii kέμεε kam̄ we. Uléécαα uké íπεel̄εε νό nyíε.

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1